



1646

lat. 10000

I.

Mog. St. R.

P

Ustarbowski Raphaëlis: Laury, mac vestiga-
tes in Dei hominis necesse fuerat.

POËTAE POLON.

N. 161.

Biblioteka Jagiellońska



stdr0004465



LACRYMÆ VECTIGALES

JN DEI
HOMINIS NECE,


F V S Æ. *A 528*

P E R

RAPHAELEM VSTARBOWSKI,
In Collegio Posnañ: Patrum Soc: IESV
Philosophiæ Auditorem.

COLLECTÆ.

Anno Morientis DEI Hominis 1655.



POSNANIÆ,

In Officina Typographica Viduæ & Heredum
ALBERTI REGVL V. Calend. Aprilis.

IN GENTILITIVM STEMMA.

BIBLIOTHECA
VNIV. IAGELL.
CRACOVENSIS.

1646I



Cedite belligeri priscâ cum laude Quirites
In quorum pedibus candida Luna nitet,
Nulla Dionzo veniat laus Caesaris astro
Eclipsim subito percussit ille nitor,
Sidera nostra nitent, fera trux fert pectore Lunam
Quis decus, & robur iam neget esse tuum?

ILLVSTRI AC MAGNIFICO
DOMINO,
D. MAXIMILIANO
DE MIASKOWO,
MIASKOWSKI,
Fautori munificentissimo
auctor Salutem.



D Te hodie Apollo meus, non iam de
Parnassio colle, sed è Caluarij montis
vertice, Heroico attollitur cothurno
ILLVSTRIS AC MAGNIFI-
CE DOMINE, Quid ni enim inge-
niosus? inter tam acutos Patientis Dei dolores, quid ni
disertus? inter tam liberales sanguinei fluminis venarū
fontes? Licuit hic illi profecto etiam supra sui ingenij
vires audere, & innumera dolorum supplicia, numeris
comprehendere, amplissimaq; Amoris Diuini argumen-
ta, humanioris pagine concludere compendio. Et quan-
quam, difficile hic erat etiam expeditissimis gemente
VERBO nō hallucinari ingeniis, nisi tam crebris singul-
tibus subsistentes, animorum contentiones altissima.

Cordis Diuini suspiria promouissent; Voluit hic Amor
impressos in Libro VI TAE, imitari Vulnerum chara-
cteres, ut & paucioribus facile colligeres lineis, quid
integerrimo volumine tormentis expressum esset. Pro-
uocauit meum hoc, qualecunq; studium. Tua facilli-
ma semper beneuolentia, ut & morem quidem meis ge-
rerem desiderijs, & Tuæ libens obsequerer humanitati. Et
sanè commodissimè. Ex umbra enim proditura in lu-
cem Pdēsis mea, cur lumen aliud extra nobilissima
DOMVS Tuæ quarat sidera? quæ tantò liberalius,
natiuum ei communicabunt splendorem, quantò ipsa
quoq; suā sunt augustiora claritate. Contrahere qui-
dem ultro sereniores videntur radios, sed cælo quoq;
post extinctum inter supplicia DEVM in luctum
abente. Scilicet alterā iam sui parte èclipsata Lu-
na, emorienti in sui sanguinis Oceano, Æterno soli,
doloris parentat obsequio, etiam ferocissimo aliàs Ani-
mali, nunc placidissimè mitescente. Admitte igi-
tur eā quam ipse humanissimè aperuisti, Fauoris viā
meum ad te Apollinem, & dum exaggeratum DEL
in hominem demiraberis amorem, meam quoq; Erga
Te animi lege obseruantiam.

Illustris ac Magnificæ Dominationis Tuæ

Deuotissimus.

RAPHAEL VSTARBOWSKI.

Nefandum quid Musa iubet renouare dolorem?
 Horret quem reuocare animus, luctuq; repugnat.
 Solus, quem duris genuisset cautibus horrens
 Caucasus, Hyrcanæq; admotus ad vbera tygris
 Temperet à lachrymis, vultumq; in tanta serenet.

Sed cum tantus amor CHRISTI cognoscere casus
 Funestamq; necis, mortisq; expromere sortem:
 Incipiam narrare necem quæ causa parauit,
 Diuinisq; obitus, & tristia funera, versu.

Poscebant ad fata Dævm plebs durior hydris
 Tandem fraudis amans, per fraudem concidat Hæres.
 Perpetuè sparsum compleuit dogma furore,
 Seudocuit gentes Diuinis dicere ritus,
 Siue etiam cum imis, voluit certare Magistris.
 Semper falsus erat, clamauit quisq; Propheta.

Factum vt aratra iugo ferrent suspensa iuenci,
 Et vesper cellum, componeret ater olympum:
 Exiguam in Cererem violentia adegit edendi.
 Instructiq; tori, dapibus cænatur egenis,
 Accipit hic panem, fractumq; sedentibus offert:
 Ergo agite, & cuncti nostrum celebretis honorem.
 Instaurate aras, atq; hæc mea sacra quotannis.
 Vrbs Romanavelit templis mihi ferre dicatis.
 Inde grauem nitidis gemmis, auroq; poposcit.

Impleuitq; mero pateram, quam Petrus & omnes
A Petro discant, tum facta silentia tectis:
Hunc calicem socij; mei, socijsq; profecti
Ore bibant, nostrosq; velint meminisse labores
Nec dum exempta fames epulis, mensæque remotæ.
Tum Deus omnipotens socios affatur edentes.
Venit summa dies, & ineluctabile tempus,
Vnus in exitium coniurat transfuga nostrum.

Vx illi
per
quem
&c.

(Sed sibi vel tellus optem prius ima dehiscat)

Obstupuere animi, gelidusque per ima cucurrit.

Ossa tremor, quid fata parent? qui talia tentet?

Attamen ille silet fraudem, tectusque recusat.

Prodere voce suâ quenquam, aut exponere coram,

Ni tandem magnis Iudæ clamoribus actus,

Compositò rumpit vocem, aicens *Tu dixisti.*

Ast ubi perplacidum carcebant fessa soporem,

Corpora, per terras, sylvæque, & sæua quierant.

Æquora, cum medio voluntur sidera lapsu.

Corripit è stratis sese Iudaicus hostis,

Sub signis Iudæ; atque irarum fluctuat æstu.

Sic adeo insistant, secumque ita corde volutant;

En quid agamus? atrox Iesum quæ forma sequatur?

Aut fortuna scelus crudeli funere mergat?

Talia iactanti populo, variumque loquenti.

Fraudis, siue doli genus, & scelus omne struenti;

Non tulit hanc speciem sceleratæ mentis Iudas

Durior

Durior ante omnes, nullo comitante sodali
Ardens ad turbam, CHRISTI descendit ab æde.
O mortis cupidi, quæ tanta insania Ciues?
Tradere dona iubere, mihi fas tradere CHRISTVM

Talibus est ludas, cuncti simul ore fremebant
Dauididæ magnisque implebant pectora votis.
Hortamur fari pretij quantum optat, & auri?
Ocyus & viles, pretium stat ferre peculi
Nec non præcipuos ductori promere honores,
Hoc virtutis opus malè sanus habebis ludas
Audijt impostor populi promissa fauentis
Sicque ait ad viles animas: quam nobilis ausus
Mercedem referet? terdenum præminet aurum.
Non humiles ludæ conatus, tum rude vulgus
Consensere animis ferales tradere nummos.
Tanto diuinum caput heu venundaret auro:
Iamque adeo diues donis, opibusque superbus,
Ardet amans, nimium raptatque per ossa furorem,
Impius, infelix, atque auri cæcus amore,
Multa malus simulans expectat funera IESV.

Tum verò incumbunt: vrget præsentia ludæ
Atque omnis populus facibus iam accingitur atris.
Diripuere focos, piceum fert fumida lumen.
Tæda, & commistam vulcanus ad astra fauillam,
Obtulit amplexus, atque oscula fellea fixit,
Oscula quæ stygio fuerant impleta veneno;

Atq; vbi complexu Iesv, colloq; pependit.
Accurrunt cuncti, hunc oculis, hunc pectore toto
Ardentes facie, suffusi Sanguine, & igni.

Tan- Tum magis, atq; magis, contendit miles in armis.

ad la- Clarescunt sonitus, armorumq; ingruit horror.

ironē Murmure confurgunt, linguis vibrantibus ora.

veni- Scusa virum, galeasq; & noxia pectora torquent.

com- Hos vt primum oculis summi Regnator olympi

prehe- Conspicit, & turbæ molem miratur in armis

dere State ait, & quæ causæ viæ? quicquid estis in armis?

me. Quouē tenetis iter? quæ tandem causa subegit

Hos cursu tentare locos? quo tenditis? inquit?

Qui genus vnde domo & pacemne huc ferris? an arma?

Olli flammato respondet corde Minister.

Nazarena tulit Iesvm quæ terra nefandum.

Hic doctus nostram est non rarò fallere dextram.

Tum sic dicentem alloquitur cunctisq; repente

Improuisus ait coram, me quæritis? adsum.

Dixit, & auertens rosea ceruice refulsit.

Ambrosiaq; comæ diuinum vertice odorem

Spirauere, pedes vestis defluxit ad imos.

Et verus gressu patuit Deus, at nihil ipsis

Obfuit insignis vertex, nec splendida vestis

Nec mora, & ecce Devm rapiuntque, ruuntq; per omne

Turba nefas, Deus ecce Deus, fit meta dolorum.

Illum in vincula petunt, rigidis & funibus aptant.

Non

Non secus ac Iunonis opem, dum traderet olim
Aeolus, & ventos deuinctos carcere soluit.
Vnâ Eurusque, Notusque ruunt, creberque procellis
Africus, atque illi volunt ad sidera fluctus.
In diuersa ruunt socij, pars tendit in umbras
Pars latitare studet, pars se post tecta recondit:
Diffugiunt alij ad sepes, & limina curfu
Fida petunt, pars ingenti formidine pressa.
Scandunt rursus iter, notoque tenentur in antro.
Vnicus è cunctis fati melioribus usus
Petrus in arma vocat, turbæ reparatque repulsam.
Nunc animis opus est Petro, nunc pectore firmo;
Sic ait illachrymans, humero simul induit ensẽ.
Tandem seu subitâ, trepidus formidine ferrum
Extrahit, extensamque aciem venientibus offert.
Illius ferrum Malchi tum senserat auris
Totaque sanguineo succisa mucrone remansit:
Sed maiora vetat CHRISTVS, stetit acer in armis
Bellator voluens oculos, dextramque repressit.

Bis fuerant CHRISTVM conati tangere dextris
Bis duræ cecidère manus, bis corpora terram
Amplexata fuere, furor tamen arma ministrat
Assumunt vires, prædamque in vincula cogunt.
En manibus CHRISTVM interea post terga reuinctis
Ad dirum raptant, magnis clamoribus Annam.
Vndique visendi studio Iudæa luuentus

Circumfusa ruit, certantq; illudere CHRISTO
Namq; vt conspectu in medio submissus IESVS
Constitit, atq; oculis rabida agmina circumspexit
Heu quæ nunc facies inquit, quæ pectora sacrum
Accipiunt pectus Genitor? manibusq; cruentis
Virgineas ausi (o crimen) contingere dextras?

Hæc vbi dicta dedit, vi carceris ostia scandit
Qui spelunca fuit vasto summota recessu
Semi hominis facies coluit quam dira Barabbæ
Antrum erat obscurum, quo non informius vllum.
Hoc conclaue DEI, fuit hæc, & regia CHRISTI.

Postera vix summos spargebat lumine montes!
Orta dies, cum primum alto se gurgite tollunt
Solis equi, lucemq; elatis naribus efflant.
Certatim sese populi exhortantur in arma.
Sistite, funestamq; animam, mox sistite CRISTVM
Plebs, Annaq; simul clamosè turbidus inquit.
Fare age, si Supêrum fueris tu CHRISTE propago.
Ille hæc deposito tandem DEVS ore profatur.
Cuncta equidem Præses tibi. sunt quæcunq; fatebor,
Vera inquam, neq; me supêrum de sede negabo.
O scelus exclamat! verbis crudelis Apella,
Hoc alij faciunt, sequitur quos cætera turba
Dentibus infrendent alij, nec saxa, nec vllum
Telorum interea cessat genus, æstuat ira,
Stipitis hic grauidi nodis, quod cuiq; repertum

Rimanti

Rimanti telum ira facit. vocat agmina Malchus
Quadrifidam quercum cuneis vt forte coactis
Scindebat raptâ spirans immane securi.
Est ausus nomen falsò vsurpare Tonantis:
Hinc de dogmatibus CHRISTI, sociisq̃ue recurrit.
Pontificis sermo, quærenti fatur IESVS.
Si tibi quæ docui cordi sunt, quærto ab illis
Per quorum doctrina attentas iuerat aures
Atque ita nescio quis fariarum natus in antris,
In vultumq̃ue Dei colaphum funestus adegit.

Delectos populi ad proceres tandemq̃ue Caipham,
Ritè Deum referunt, & quæ sententia poscunt.
Mitior haud quaquam damnator mente Caiphas
Omnia quæ primus letho damnanda putauit,
Damnat, & infelix multò grauiora reponit
Durius haud illo monstrum, nec sæuior vlla
Pestis, & ira hominum stygijs sese extulit vndis,
Non tamen hic metam statuit, finemq̃ue dolorum,
Protinus Herodi cursus torquetur amaro
Instruit hic animum dictis, atq̃ue aggerat iras,
Ostia iamq̃ue domus patuère ingentia centum.
Obuiat Herodes magnâ stipante caterua
Siste gradum, teq̃ue aspectu ne subtrahe nostro,
Quo ruis? extremum fato quod te alloquor hoc est,
Non pudet ô fictor CHRISTI confingere nomen?
Cum te vox hominem sonet, & frons indicat ipsa,

Iam

Iam sine fraude refer, quis sis? age CHRISTE libenter
Pænas, flagra vides, nulla hic exire potestas.

Vt me non finxi IESVM præsentem Caiphâ
Nunquam vanum etiam, mendacemque hic modo fingam,
Sum DEVS æterni soboles æterna Parentis;
Desuper Herodes telis premit, omniaque arma
Aduocat, & pugnis, vastisque molaribus instat,
His agitur furiis, totoque loquentis ab ore
Scintillæ absistunt, oculis micat acribus ignis
Mugitus veluti cum prima in prælia taurus
Terrificos ciet, atque irasci in cornua tentat.
Arboris obnixus trunco, ventosque lacessit
Ictibus & sparsâ ad pugnam proludit arena.

Non minus ille tamen rabidi seruire mouetur,
Quam si dura flex, aut steter Marpæsia cautes.
Ducite conclamat licitorum turba Pilato
Extorquere nihil possum tam pectore duro.
Non minus ac iussi; CHRISTVS raptatur in ædem,
Præsidis, atque infame subit conclaue Pilati:
Concilium horrendum capiunt quo funere IESVM
Designent morti, & pellant de corpore vitam.
Omnibus idem animus, mens, omnibus vna voluntas,
Iudicio fiunt, & sensu quattuor, vnus.
Vt CHRISTVS primo cæsus, post funera carpat.
Mille subornati iurant mendacia testes,
Sæpe nimis segnes, cupidi dixere ministros

Sæpe

Sæpe nimis longum clamabant currere tempus.

Cæditur ad truncum manibus post terga ligatis,
Pars sacra crudeli protundit membra flagello
Exercent vires, infligunt tergo pœnas.
Expediunt rigidis horrentia flagra vepretis.
Pro se quisque manum probat, ingentesq; lacertos.
Scorpius hic rigidis corpus discerpit acutis,
Hic nerui, hic funis grauiori tunditur ictu
Plaga facit plagam, vibex vibice resultat,
Nec mora, nec requies, fessos subit alter, & alter.
Vapulat hic virgâ, rursusque hinc vapulat astu
Nondum completis damnis iam iussa sequuntur
I miles, lacera, hos totos immaniter artus.
Ocyus Aufonij properant ad iussa manipuli
Verbera dant verbis, feriunt sed verbere plagæ
Verberibus locus ante deest, quam verbera, flagris.
Flagra reponuntur, moriturque in vulnere vulnus.
Non ita supremis descendit montibus amnis,
Aspera quem primo soluit de frigore bruma.
Non ita tecta sonant, largo cum Iuppiter imbri
Frigore concretas superæ iaculatur abyssos,
Quam fluxit sacro CHRISTI de corpore sanguis,
Sanguis, & alterno sequitur cum sanguine corpus.
Voluitur ille cadens lasso, de corpore totus
Frigidus, & longis singultibus ilia pullat
Diuerſi circumſpiciunt: hoc acrior alter

C

Sanguis

Sanguis ubique fluit, pectus, per tempus utrumque:
Sæuit atrox tortor, castus nec contrahit usquam,
Discussasque comas capitis; nec sufficit istud
Genua labant, fessos quatit æger anhelitus artus,
Luctus ubique, pauor, tum plurima mortis imago.

Interea pauidam volitans pennata per auram
Nuncia fama venit, Matrisque allabitur aures.
Excussi manibus radij, reuolutaque pensa,
Prima petit non illa virum, non illa petici.
Telorumque memor, cælum dehinc questibus implet
Nunc ego te Fili aspicio? tu ne illa voluptas
Magna mea? ô tu me potuisti linguere Matrem?
Fili nec iam te sub tanta pericula missum
Affari extremum miseræ sit copia Matri?
Quo sequar? aut quænam hæc artus? auulsaque membra?
Et corpus lacerum, tellus habet? hoc mihi de te
Nate refers? hic ille vigor? frontisque venustas?

At neq; eos iam Virgo Parens, nec fletus amarus
Non sanguis prohibet, sermo non ipse retardat.
Accingunt sese rabidi Christoq; sinente.
Compungunt humeros, humeros iterumque fatigant
Dilaniant costas, diuinaque brachia nudant,
Rore madent dextræ, pectusque, caputque, pedesque,
Heu dirum facinus, poenis non pectora digna
Tantis, non tanto sunt dignæ pectore poenæ.
Qui mundum aduentu voluit saluare peremptum,

Indigna

Indigna à mundo damnari morte paratur.

Nec dum etiã causæ irarum, sæuique furores
Exciderant animis, stant multi in damna parati:
Mille nocendi artes: CHRISTO non sufficit vna.
Non sic fert rostris immanis vultur aduncis
Immortale iecur, tundens sæcundaque pænis
Viscera, rimaturque epulis, habitatque sub alto
Pectore, dum fibris requies datur vlla renatis.
Vt male sana manus lictorum vulnera quærit.

Squalentem barbam, & concretos sanguine crines.
Vulneraque illa gerens, quæ circum plurima muros
Accepit solymis, Passus, flens ipse videbar.
Compellare DEVM, & mæstas expromere voces.
O lux! ô hominum vigor! ô spes vnica mundi
Quæ te? quæ lacerare manus? quibus almus ab oris.
Expectate venis? quod te post multa malorum
Terroris, variosque hominum? ludæque furores
Flentes aspicimus? quæ causa indigna serenos
Fædauit vultus? aut cur hæc vulnera cerno?

Ille nihil questus, nihil & mea vota moratus
Sic grauitèr gemitus imò de pectore duxit,
Heu me fata tua, & scelus exitiale periclis
His inersere malis, satis est miserabile dictu
Non locus vllus erat, sacro non corpore venæ
In quo non liuens vibex, sedeatque cicatrix
Tercentos vidi consertos ictibus ictus

Vulnera non tercenta, ast millia vulneris octo
Millia quæ magnis nunquam venere Mycenis.
Nec vidisse semel satis est, iuuat vsque morari
CHRISTVS nullus homo; falluntur lumina visu
Errasti Pilate vocans mortalibus vnam
Esse Dei formam, & mortalis nomen habere
ECCE HOMO dixisti, toties his vocibus vsus
Quid memorem Herodem nequam? Annam? quidue Caiphâ?
Ausu omnes immane nefas, ausuque potiti:
Non mihi si linguæ centum sint, oraque centum
Ferre vox, omnes scelerum comprehendere formas
Omnia pænarum, percurrere nomina possem.

Ergo iam finis CHRISTI iam meta dolorum?
Nondum finis adest, nequaquam meta dolorum,
Albis indutum cupiunt offerre Pilato,
Stat casus renouare omnes, omnemque reuerti
Per sortem; rursus caput obiectare periculis.
Ergo iter incæptum peragunt, foribusque propinquant;
Ad quos se Prætor prægrandi mole ferebat
Crimine iam maculare nouo, iam spargere voces.
In vulgum ambiguas, & quærere fila Sororum
Omnes ex pacto digna, atque indigna, relatu
In CHRISTVM referunt, & criminis esse nocentem.

Si meruit proferte scelus, meruisse putabo
Quid non commeruit? norunt, clamantque scelestum
(Cur alias mentes? quæ iam ultra dogmata poscis?)

Vrbs Solyimæa, DEVM morti decerne precamur
Tum verò magis, atq; magis crebrescere murmur
Fige cruci corpus, IESVM confige nefandum,
Et cruor, & sanguis supra nos decidat eius
Et natos natorum, & qui nascentur ab illis.
Tum timidus Iudex cedendum est ergo furori
Criminis esse rerum statuit, mortisq; Tonantem
Dent manibus famuli lymphas, procul ausibus istis
Ingeminans, tonsisq; ferant mantilia villis
Stultitia, id facinus delendum fonte putauit,
Quod neq; sulphureis Cocytus proluet undis.

*Pontius in solymis, Iudex ego ritè Pilatus,
Tiberio supplex precor omnia fausta Neroni;
Præsens iudicij nostri cum fascibus essem,
Iustitiam cunctis, & debita iura daturus:
Est IESV Nazareni mihi cognita causa:
Quem vinctum nobis sistit Iudaica turba.
Iudæo sic, Rhadamantiaq; exequor inde trophæa;
Quandoquidem verbis se fecerat ille superbis,
Esse Deum sobolem, magnum lous incrementum
Quamuis sit pauper, de semine natus egeno
Nec non rumpendam Salomonis dixerat aram:
Damnetur: socius latronibus ille duobus.*

Illic è vepribus cinguntur tempora secto
Sentibus in nodum implicitis, & mille figuris,
Hoc primum capiti connexuit atra tyrannis,

Mille dedit sectum punctus, & vulnera mille
Pròh dolor impactis penetrantur tempora vittis.
Magnaq; sanguineis madefiunt imbribus ora,
At nondum potuit iustam pertingere metam,
Percutit ingeminans, ictus numeravit arundo,
Sponte cadunt carnes, velluntur sponte capilli,
Et sacri sacro viduantur vertice crines:
Hei mihi qualis erat, quantum mutatus ab illo?
Iam non illa patet facies pulcherrima CHRISTI;
Non oculi, vultusque, decor, non forma comarum.
Omnia squalor habet; miscentur sanguine cuncta
Dant manibus sceptrum, sceptrum fuit illud arundo,
Ridentes coram contingunt poplite terram
Salve Rex populi Iudææ maximus Autor.
Succedunt alij, *Quem das Rex magne laborem,*
Tertia turba venit, quam curæ, iræq; coquebant
O quem te memorem IESV? namq; haud tibi vultus.
Mortalis, nec vox hominem sonat, ò DEVS alma
Alpici hæc? cheu Genitor qui fulmina torques
Qui lare ab æthereo, cæcos & nubibus ignes
Demittis populis, & vibras tela trifulca,
Sic pietatis opus, sit CHRISTVM in sceptrum locatis?
Gens trux, dira, ferox, nutriti lacte ferino:
Hic est causa piæ vitæ, hic est causa salutis
Cur DEVS, ò homines. patitur discrimina tanta?
Hoc cernens Iudas lachrymis madefactus obortis

Tollit

Tollit sacrilegas, sed surda ad sidera palmas
Vos æterni ignes, te lingua supplice magnum.
Testor numen ait, vos arma, ensesque nefandos
Quos struxi, rapuique Deum, qui hostilia gessi,
Fas sit Diuorum violata resolvere iura,
Fas odisse viros, atque omnia ferre Magistro,
Me, me, adsum qui feci in me conuertite poenas.
O populi, mea fraus omnis nihil ipse, nec ausus,
Nec potuit: cælum, atque hæc sidera conscia iuro
Funeris huic ego causa fui, heu miserere Magistri
Turba precor, nuperq; datos iterum accipe nummos,
Proiicit ante pedes, populi data munera ludas.

Olli subridens irato corde Sacerdos.

His lachrymis vitam damus, & miseresçimus ultros;
Mens immota manet, lachrymæ voluntur inanes,
Si benè quid de te merui, fuit aut tibi quidquam.
Dulce meum, miserere mei pereuntis, & istam.
Oro (si quis adhuc precibus locus) exue mentem.

I scelus, I nequam melioribus vttere fatis

Tum verò inuisus populis desperat ludas.

Mortem orat, tædet cæli conuexa tueri,

O mihi præteritam referat si Iuppiter horam.

Non ego, nunc dulci amplexu diuellerer nunquam.

Sic fatur lachrymans, collum stringitque catenâ.

Vitaque cum gemitu fugit indignata sub umbras.

Tum celeri cursu celeres ad limina tendunt.

Tristi-

Tristibus & Parcis designant candida membra;
Lignum fertur atrox, ingenti mole paratum,
Inditur hoc humeris, gemuit sub pondere CHRISTVS;
Nunc cadit ad terram, terrâ rursusque resurgit
Ingenti facies manat sudore cruento,
Hi properare iubent, & cogunt ante ruentes.
Incedunt pueri, pariterque ante ora furêntum,
Fœmina mista viro, concurritur agmine denso.
Ille duces labens vadentes passibus æquat;
Iamque adeo exierat portis equitatus apertis;
Stant auidæ in muris Matres, oculisq; sequuntur.
Quantum acie possunt, oculis seruire sequentem.
Puluerulentam aciem, & portantis pondera CHRISTI
Per loca saxosis, CHRISTVS tendebat arenis,
Per colles, per cliuos, itque per ardua montis
IESVS; hinc decies diuum caput ima petiuit.
Interea celsi satîs alta cacumina montis
Lustrantur, propiusque loco pes figitur illi.
Est data tantisper standi pauxilla potestas,
Respicit, & quæ sit circum se copia lustrat,
Aduertit flentes, multas ex ordine Matrum.
Flere super me (sic respondit) desine turba,
Flete super natos, & pignora vestra Parentes.

Nondum finitis monitis sermonis IESV
Qui finis standi? quo nos decet vsque teneri?
Non hoc ista sibi tempus retinacula poscit,

I sequere

I sequere, vrgemus vestigia nostra nefande.

Iamq; ascendebant collem, qui plurimus illi
Imminet, & signat signis. *hic terminus haret*
Hinc, atq; hinc, vastæ rupes, geminiq; minantur,
In cælum scopuli, noua stant duo ligna parata,
Centum carnifices exercent funera mortis.
Funerea IESVM venientem voce salutant,
Deponuntq; humeris, vitalia pignora ligni,
Vestis erat, vestis materno texta labore
Hac nudare DEVM conantur viribus omnes,
Vestis erat carni spisso coniuncta cruore,
Et concreta caro stringebat corpore vestem.
Inter nudandum à terrâ raptatur in auras,
Rumpuntur venæ, membrorum frustra trahuntur.
Totus erat liuor, totusq; in vulnere vulnus,
Totus sanguineo manabat flumine IESVS
Nec poterant cerni diui præ fontibus artus.
O dolor, ô lachrymis spectacula digna supremis.

Postremò clavis depromptis vltima vota
Reddere turba parat. (quam sit mirabile dictu)
Clauatis pedibus, ligno dextrisq; refixis,
Funibus iniectis, crux per vim fertur in altum.
Tum primùm sanguis commotis partibus ibat:
Huccine mortalis progressa audacia? & istas
Ausa forare pedes? configere & ausa sinistras?
Hasne manus? quæ tot per monstra, ægrisq; salutem?

D

Et iam

Et iam defletis reparabant gaudia votis :

Interea ille rudem nodis & cortice crudo
Interquet summis adnexus viribus hastam
Longinus lateri, fluxitq; exterritus annis.
Fit sonus, ingenti concussa est pondere tellus,
Labitur hic moriens atq; illi in partibus æquis,
Huc caput, atq; illuc, humero ex utroq; pependit
Dilapsus calor, atq; in cælum vita recessit.
Eripitur subito nubes, cælumque, diesque
Eximprovisò tristis nox incubat orbi
Intonuere poli, crebris micat ignibus æther;
Nam neq; erant astrorum ignes, nec lucidus æthra
Pascibat polus, obscuro sed nubila cælo,
Et lunam in nimbo, nox intempesta tenebat
Dat tellus gemitum, naturam mutat olympus.

Nunc ò mortales ad CHRISVM tollite vultus
En pendet, radiis longè solaribus aret
Lumina per flammās, exusta profundius hærent.
Defluit omnis honos oris, decor atq; genarum,
Ora sitim sitiunt, radiis flagrantia Phæbi,
Dextræ cum pedibus tenduntur tendinis instar;
Liuidus est totus, liuor premit omnia membra,
Sunt lachrymis, sunt perpetuo spectacula riuo,
Immanesque obitus digni sunt fonte perenni.

Flete DEVM imberbes pueri, iuuenesque, senesque,
Ex oculis cuncti largas demittite guttas.

Flete

Flete DEVM Matres, nuptæ, innuptæque puellæ;
Pontificum trabes, & sacræ lugete tiaræ,
Flete DEVM sylvæ, campique, lacusque, fretumque,
Marmora, saxa, DEVM lugete volucris vestrum,
Et mersa æquoreis animalia flete lacunis.
Totus, & æternis moriatur fletibus orbis.



THE
LIBRARY
OF THE
MUSEUM
OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.



